

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 04 (88) апрель 2009-шин / Кказит буккайссар зуруй цал / Рабиоль-ахир 1430-шин. Багъа 15 къ.

ЛАВГУМUR

БурхІай Изажа

«БурхІай Изажа» тїсса лакрал халкъуннал балай бивщуну бур «Лакрал халкъуннал лахъи балайрду» тїсса луттирай. Га балайлуву бур Изажа цила буттал бавххуну бивкїссар монгол-татарнан тїй.

Амма ттул буттал ниттил Изажятусса бусала бусай-ва цамур куццуй. БурхІай Къалалучїсса Изажал гъавгу жун ккаккан дайва, Изажятусса халкъуннал балайгу ганин кїлну бия цамур чулий. Му кїлну бур дакїних Гъумучатусса оърмулуп майцїаллий ххюра шин хъусса Чаргїхъал Мисидун ва мува оърмулувуса Ххайдахъал Махїмудлун. Ттул буттал ниттил кунма, минналгу буслай бур Изажа монгол-татарнан буллуну къабивкїссарча, бавххуну къабивкїссарча, цїлла буттал, Оьмаханнул, душнингу къаччай буна, гужрай Душайннал ханнал арснан буллуну бивкїссар тїй. Душаймигу бивкїлн бур Гуржиял чулухсса ххачпараснал диндалул халкъ. Цала арснацал Гъумукун увкїлн ивкїсса Душайннал хан ливкїлн ивкїлн ур Гъумучиял халкълавчинача, Ярттал Оьмаханнучїа. Душайннал ханнал арснан ххуй бивзун бур халкълавчинал душ Изажа. Га цувагу ивкїлн ур чурххал лагїсса, бакїрал ххуй акъаса. Душайннал ханнал була куну бур Оьмаханнухъ Изажа цала арснан, »3

КОНКУРС

Аьрасатнал бусурманнал олимпиада

Аьраб мазрал ва Исламрал къанунну кїлшиврул 2-мур олимпиада даврил хїасиллу дунни Къазаннай.

Кїва гъантлуп мутталий аьрасатнал исламский университетраву хъунни аьраб маз кїлшиврул ва рувхїанийсса элмурдал 12-ра командалул дянивсса бяслин буккаву. Ххув хъун хъинну хїарачат буллай бия исламский университетравусса дуклакїми, мадрасарттаву дуклакїми ва мукунма Татарстаннаясса, Оренбурграясса, Московлиясса, Кабардино-Балкариянавасса, Чеченнавасса ва Дагъусттаннаясса вакилтал. »2



ПОДПИСКА

«Ассалам» кказит чичаврия



«Ассалам» кказит чичаврийну дуккандавриву хъинну хъунмасса бияла бур. Дин-Ислам лахъхъин даву – му яла ххуймур даву дур, му гъарца бусурманчувнал бурж бур. Мунийну инсаннал оърму илкин буллай бур, тїайла буллай бур. Гъарца бусурманчувнал эбадат даву кунна, дин уттару дуккан давугу Аллагънал ялув бивхъуну бур.

Цанчирча, так чаклил ва диндалул акъа инсан тїайла ацїан къаай. Диндалул кумаграйну хъанай ур инсанная яла ххуймагу, яла лажин кїяламагу.

Гъашину жу «Ассалам» кказит чичинмур буллай буссияв Цїусса Лакрал райондалийсса, къутандалийсса, Новостройрайсса шярваллаву. Кказит чичавриву жун хъунмасса кумаг бунни: Тїюхчардал шярвавасса Мансурил, Чїурттациял шярвавасса Джабраїлов Агъал, Новостройраясса – Дучїиннал шярвавасса Хїаджисулаева Жавгъаратлуп ва мукунма цайминналгу.

Аллагънайн щукру, жула лақраву бусса укун чїарав бацїайсса инсантал. Я Аллагъ, зу бувмур зун чирину тїайла бацїаннав! Майжаннугу, ва оърмулуву дин-Ислам уттару дуккан даврияр ххуйсса даву дакъар. Жула хъунмасса аьлимчу – Къурамахїаммад-хїажинал (цувгу шагїидну ивкїлну ур) учайссия «Кказит чичара тїй къатравух заназиминнан зувийла хъунмасса чирі хъанахїссар».

Тти зува пикри бувара Къурамахїаммад ци даражалул инсан ивкїлн урив, мунал цукунсса махъру куну бурив.

Чичияра зула къатравун мубараксса диндалул махъ. «Ассалам» – кказит жула лакран гъан бувсса ссайгъатри. Жува цацїун хъуншиврул, дин цїу лаган даншиврул. Зул дакїру Исламрал чаннал дуцїиннав! Амин!

Цїусса лакрал райондалийсса «Ассаламрал» вакил

АДАБ

НасихІатуль аьвам

Дукия дукаврил адабру

Ибрагїмлуп арс Къурбанаьли Гъунчїукъатїатусса

Дайдихъу хъхъичїми номердай

Аькьлу камил хъусса заллурхуннал мурадирттал яла хъунмур мурад, цува ляхъан увсса, Дунияллийгу ризкї буллуну Ахиратлувугу неъмат булунтїисса, Дунияллул, Ахиратлул, халкъуннал куллушайирал паччахїну ухъусса, Аллагъ ккаккавури ахиратлуву. Му къаккавксаксса цукунчїав муьминчувнан рахїатшиву дакъассар цува ци неъматраву ухъурчагу Дунияллийгу, Ахиратлувугу. Му ккаккаврингу цамур ххуллу савав дакъассар элмулий аьмал буну, эбадат камил даврийну бакъасса. Му элму, эбадатрал ялув ацїангу къашайссар, чурх сагъ саламатну сахїихїну бухъурча бакъа. Чурхгу мукун сагъну къабикїайссар цїлла кїфаятрансса дуканссаннул лукъма канай бакъа цїлла-цїлла чїумуй. Муниятири хъхъичїлунмайсса хъунийсса, хъинсса аьлимтурал увкусса: «дукайсса дукаву диндалиятурі» – куну.

Хїатта инсаннал цалва зуму бишин дуканссаннул лукъма гъаз баврийнугу чирі буссар, дин дан, эбадат дан къасттирай гъаз барча. Утти Аллагъу Тааьлал му дукансса дукаву хїалал дурссарагу инсаннан мунийну чурх бавцїуну элму тїалав данни, дин данни, хїалалсса касбу данни. Бачїва кайпран канан хїалал къадурссар. »4

Ва номерданий:

2	ЦїУССА ХАВАРДУ «Ассалам» кказитрал къїни Новостройрайсса Цїусса чїурттациял шяраву	4	БАГЪУ-БИЗУ Жува инсанталлу тїутаву къагъассар	5	ИСЛАМ ВА МЯЪРИПАТ «Аллагънайн мукїрумур ягу Иблислуйн мютїмур?»	6	ИХІСАН Гъази-Гъумучатусса щайх Джамалуттиннул	7	ШАРИАЪТ Инсан ивчїаву
---	---	---	--	---	--	---	--	---	--------------------------

ЦИУССА ХАВАРДУ

Щалла Аьрасатнал
бусурманнал олимпиада

1 « Бясливу гьуртту хьуна 33 мутааьлим.

Конкурсаь бия кьива бяс-ччал – «Исламрал элмулия» ва «аьраб маз-рая». Гьуртту хьанахьиминнан багьлай бия чичрулийнусса суаллахьхун жавабру дулун, хьиривгу Кьурьан буккавил усттаршиву ягу аьраб маз ххуйну кьулну бушиву ккаккан бан.

Хасиллу дурну махь яла ххуймур ккаккьяртту чьалачидунни: Аьрасатнал исламский университетрал студент Алмаз Сафиннул (1-мур кьану), Мурад Хьайдарбековул – Махьлачкьалалиясса теологиялул университетрал студент (2-мур кьану), Р. Фахретдиннул цьанийсса алметьевский мадрасалулу дуклакисса Айдар Фатиховлул (3-кьану).

Аьраб кьулшиврул бясливу цалчинмур кьану буллуну бия теологиялул ва религиоведениелул институтрал студентнан Махьаммадов Махьаммадлул (ш. Махьлачкьала). Кьилчинмур ва шамулчинмур кьантурду бугьунни Кьазаннал «Мухьаммадия» тисса

бусурманнал мадрасалулу дуклакисса – Мухьларамова Галиял (олимпиадлий ва ца душ гьуртту хьуну бия) ва Аьбдулкарим Гиззатуллиннул – Аьрасатнал исламский университетравасса.

Ххув хьуминнан буллуну дипломру ва ххирасса бахшишру (ж. к. телевизорду, сотовый телефонну ва DVD-проигрывателлу).

Му бакьасса РИУ-лул ректорнал Рафик Махаметшиннул хьуннасса бахшиш дулунни кьия вакилнан: Московуллал исламрал университетраву дуклакиссаннан ва Северо-Кавказский исламский Абу-Хьанифал цьанийсса университетраву дуклакисминан.

РИУ-лул пресс-службалул хьунмур Гульназ Галишзяновал баян бувсса кучий, олимпиада ларайну ларгшиву ва ганиву гьуртту хьанахьимийгу чялишну бивкшиву. Уттисса, шамулчинмур олимпиада хьиривмур шинал Кьазаннай дан тий бур. Инша Аллагы! Амин!

ДАГЪУСТАННАЙ

Новостройрайсса
Цюсса Чурттациял
шыраву хьунни
мажлис-мавлуд

Гьашину, мартрал 15 нний, Рабиоль-аввал зурул 18 чинсса кьини Новостройрайсса Цюсса Чурттациял шыраву хьунни мажлис-мавлуд цюну шыраву тивтлусса мизитраву.

Мавлудрайн бавтуну бия Цюсса Чурттациял шыраваллил жьамат, бувкун бия Новолакрясса Чурттациял жьаматгу. Мукунма гьуртту хьуна Рувханийсса идаралул зузалт, бия СКИУ-лул мутааьлимтал, Добролюбова кучалийсса лакрал мадрасалул мутааьлимтал. Мавлид дачин дурна Чурттациял шыраваллил имам Махьаммадов Хьасаннул. Мажлис тивтлуна Цюсса Чурттациял администраторнал, гьарца шыраву дуллайсса давриву чьарав ац^айсса Кьушиев Юсуплул. Хьинну бувчинну, гьарца бувкнал дакинн асар хьунсса вяьза бувсуна Рувханийсса

ХИЯМИС

Аллагьнал ц^анийну кьюлт^и кюсса мукьуяр ххуйсса х^ачия дакьассар.

Идаралул зузала Махьаммадов Кьурамухьаммадлул, Добролюбова кучалийсса лакрал мадрасалул хьунама Кьурбанов Сиражуттиннул, мукунма Новолакрясса Чурттациял царнил имам Саидлул, ва Цюсса Чурттациял шыраву я хьанайсса Халифанал. Хьинну дакинн асар хьунсса мавлудру дурккуна СКИУлул мутааьлимтурал Кьурбанов Шаьбаннул, Аьшуев Джалаллул. Мукунма арх^ал мавлуд дурккуна Кьурьан лахьлахьсса душварал Асиятлул, Тамилал, Уммукусумлул.

Мавлудрайн бавтисса жьамат рязину ливчлуна бувсса мажлисрай, мавлуд кьуртал хьуну махь бавчлуна циняв бавт^иминнайх ссайгьатру, цадакьартту.

Кьамул баннав Аллагьу Тааьланал зул мажлис ва мавлуд. Амин!

«Ассалам» кказитрал кьини Новостройрайсса Цюссачурттациял шыраву

Цюссачурттациял шыраву мизитраву хьунни мажлис ва дунни мавлудру. Ва укунсса даву хьун дан шыравун бувкун бия тамансса хьамал Лакрал районнайсса жьаматирттая ва мизитирттая. Мажлис бачин бувну ия Рувханийсса Идаралул даьватрал (просвещение) зузала Кьурамухьаммад Мухьаммадов.

Мажлисрай махьру лавхьунни «Ассалам» кказитрал редакторнал Мухьаммад-х^ажинал, Тьохардал мизитралимманал Саид-х^ажинал. Саид-х^ажий хьанахьиссар Цюссалакрал райондайисса «Ассалам» кказитрал вакил. Ялагу махь лавхьунни Ккуллал ва Лакрал районнайсса «Ассалам» кказитрал вакилнал ва кьирагу районнал имамнал Аьлиасх^аб-х^ажинал.

Новостройрал имамнал Хьасан-х^ажинал, шейх Сайпула-Кьадиал арснал арснал Башларов Сайпуллагул, Дагьусттаннал Исламский Университетрал (Добролюбова кучалийсса) ректорнал Сиражутдин Кьурбановлул, Дагьусттаннал Исламский университетрал студентнал Муршиев Мухьаммадлул.

Мажлисрай ихтилат бия Ислам-дин кьулну диклаврия,



инсаннал оьрмулуву хьун-масса кьану бугьлай бушиврия. Аллагьнал дин кьул дан буюх^лай бур «Ассалам» кказитрайх^чин.

Кказитрал бусайссар вагь-гьабтурая, цукун буруччин аьркинссарив минная, инсантал баччин буллалисса миннал ихтилатирттая, Мухьаммад идавсисхсса ччавулияту.

Мажлисрайн бавт^уминнал х^укму бунни вания тихунмайгу укунмасса хьунабакьавурту дан райондалул цаймигу шыраваллаву, машгьур буллан лакку мазрай буккайсса диндалул кказит «Ассалам». Циняннал дунни дуаь Аллагьнахь ялтту уч^лу тисса, рах^иму-ц^имий ч^ла тисса.

Кьамул даннав зул дуаь. Амин!

Ставрополлал аьрщарай
т^ивт^уну бур цюсса мизит

Ставрополлал аьрщарай буссар тамансса к^антурду бусурмантал цач^лу ялапар хьанахьисса.

ч^ивумий аг^алий – дарги ва туркман. Мий шыраваллил жьаматру цач^ун хьуну, х^укму бувну бур цалсса Чураливу цюсса мизит бан.

Мизит бансса арцу дуллуну дур Билал ва Хьусейн Кьурбановх^ал яла миннац^ун арцу дирчуну дур Наил Аьбурахимовлул ва цаймигу бусурмантурал. Цюсса мизит

баврищал к^ивагу жьамат барча бувну бур Кьарачаева-Черкеснал муфтинал Исмаил Бердыевлул.

Гайннач^ан бувкун бур Дагьусттаннаясса хьамалгу. Бувк^иминнал барча бувну бур кьирагу шыраваллил жьаматру ва дуаь дурну дур рувханийсса ххуллий бачинсса, Ляхьан бувма рязий ансса. Амин.



Масала, Чурат тисса шыраву ялапар хьанай бур туркман, Летняя Ставка тисса шыраву



ЛАВГМУР

1 « амма Оьмахан пикри бан бур куну, ганахъхун махъ булун анавар къаувккун ур. Оьмаханнун клулну диркун дур Душайннал ханнал лавмартсса хасият, ца ссанчлав бакъасса багъана-сававгу питналийн клура баен бан хладурсса, мунияту ганащалсса хлакъи-хлисаврттаву цува личлулну иклайсса ивкун ур. Оьмаханнухъгу цивппа зана бикланнин душ хладур бува куну, Душайми лавгун бур. Изажан клул хъуну цила мугъи-салт ххачпараснал диндалул халкъ бушиву, миннат буллан бивкун бур нитти-буттахъ, цуппа тайннан мабулари тий. Ливчлун бур халкъунначла та чумал Изажал бувсса шаммарду:

**Гъантлун ххюва байсса заннал париза
На цукун бувави дунгъузрал луттирай?
Шинай цал бугъайсса зумадугъул барз
На цукун бугъави, дунгъузрал дикл канай?..**

Бувкун бур цунилгу Душайми чярусса арцу-мусицал, аьралуннащал. Оьмаханнул бавтлун бур Гъумучиял хъуни араммал ва уссурсу маслихлат бан. Изажамур, Душайми бучайхту, ливхъун шаппату, кьурив, лачал хьуруннаву лавивкун бур. Мажлисрайн бавтминнан чалай бивкун бур, Оьмаханнул душ цала гушрай къабулурча, Душайннал га гужрай буциншиву ва му ишираву ттур хъуншиву. Мажлисрай маслихлат хъуну бур Изажа булун Душайми оьрчлан. Изажал бивкун бур мукъа уссу. Душ шаппату ливхъсса клул шайхту, Оьмаханнул гъан бувну бур мукъагу арс ганил хьирив. Уссурваврал льявкъуну лачал хьуруннаву лавивксса Изажа, бувцуну бур шаппай. Тивтлуну бур хъатул мажлис. Изажа жалин бувну, жула аьдтрай жалиндалул ххуллий къувтив бивчуну нанисса чумал, «Чил аьрщарайн алжаннуну гъаяр, буттал аьрщарай цларал ччуччинна!» куну, Изажа ххявххун бур къувтилул ламаравун. Янил ляп! учиннин, ххявххун Душайми оьрчлал бувккун бур га цларавату. Тайннал аьрщарайн бивсса чумалгу, ца ламуйх лавхъун най буна, Изажа неххавун ххявххун бур, гава цила гьалмагъайл ххассал бувну бур.

Бурхлай Изажа



Жалин хъунабакъин Душайннал халкъунналгу мажлисру тивтлуну, ссурарду бивчуну бур. Ссурардайсса цларайх бувсса дунгъузиртайн я цайхту, дукралияту дак! рирщусса Изажа цичлав къаканан бивкун бур. Таниха хлурмат бан, Душайннал танин дукъарсса личи-личисса дукрарду къариртун дур, амма Изажал так цуппа ккашил къабивчлан нис, ччат! дукарча дакъа, цамур дукра къадукайсса диркун дур, тайннал дукралувух дунгъузрал дикл, аьгъушиву хлала дуллай бухъукун. Цал цинма дукралун гъан бувну бувксса дунгъузрал оьрчлал вичлив кьуркъуну дур Изажал, душайнналгу ванин вичлив ххирасса дур куну, гания мукъах ванин дукралун цларайх бувсса дунгъузрал баклру гъан буллан бивкун бур, ванилгу гава куццуй вичлив къукулай, диклмур къаритлай бивкун бур. Ахир-гу тай цила кьуркъусса дунгъузрал вичляту чарсса дурну, тлайла дурккун дур цила буттачлан Гъумукун, на ших вай канайра бусса тий. Изажа хъинну илтла хъуну, зия хъуну бур. Танил иттав макъ

тачлав къакъакъайсса диркун дур. Амма цила дин-чакмур цукунчлав къакъариртун дур. Оьмаханнун дур-члуну дур цала душнил язугъсса иш-тагъар, амма та шаппай зана битансса тагъаргу къаляхълай духъукун, шихунай нанисса ххуллулссаннащал лихъан

**Гъантлун ххюва байсса заннал париза
На цукун бувави дунгъузрал луттирай?
Шинай цал бугъайсса зумадугъул барз
На цукун бугъави, дунгъузрал дикл канай?..**

бюхъарча, лихъу тий баян бувну бур. Шихунай нанисса ххуллулсса укканнингу къабавцлуну, буттал увкунур цинма баяйхтту, Изажа ливхъун бур цуппалу. Цила лагма-ялттусса къаравашталгу мусих машан лавсун бур, цуппа ливхъшиву авара къабан. Амма ца дачли къинилул мутталейсса ххуллу бивтсса чумал, танин бавну бур махъа нанисса дучрал хлхлупул чу, тивах лабиклансса ххяллу-ратлругу дакъахъукун, Изажа бувххун бур цуццул къатлуну. Бурттигьалтту ганил чларах ялавай лавгун бур.

ХИЯМИС

Винма
къаччимур,
цаманангу
чла маучара.

Изажал пикри бувну бур хъхъувай бачин. Цлан лакълан дирклукун, ганих луглагисса бурттигьалтту зана бивкун бу. Изажагу бувккун къатравату бавчуну бур ссур буллуна цила ххуллийх. Мукун, дяхтта лабиклай, хъхъувай най, цуццул, бюрурал яннагу парчари дурну, цуппагу лихха-личча хъуну, Изажа бацлаву дакъа най бивкун бур, цал акбарданул члу баярча, яла бивчларчагу за бакъая тий. Архсса, жапасса ххуллул багъ-тлатлгу бувну, ккаши-мякъу хъуну, ччаннай бацлансса хлал бухлавгсса Изажа ца хъхъуну дахъра цлан лакълан диркисса чумал, бувккун бур Гъумучиял Бурхлай Къала члалачинийн. Буххавугу хъама диртун, ххаришиврул хъачлунтта хъару хъусса кунма, левчуну бур Изажа Оьхлрахух лавай. Клурунна баклул махъ. Хьурвах, дучрал илхъилучла гузатрайсса оьрчлру хъинну махлаттал хъуну бур, Оьхлрахух лавай, Бурхлай Къалалучлан гуж балагърай лавхъун нанисса душнил къаралти ххал хъукун. Та чумал Гъумучиял ялув, Бурхлай Къалалул лув бивкун бур шагърулул мизит, ганийнгу Абуумслиннул мизит учайсса бивкун бур. Га мизитрал цияту гьарца кюрххил мудуннал акбар учайсса бивкун бур. Вагъвагъу тий, Изажа дахъва Бурхлай Къалалийн лавхъсса чумал, мизитрал цияллия мудуннал "Акбар" увкуну бур. Алхламдуллилягъ цукру! — куну бур Изажал, каругу гъаз дурну, яла га бунийн багъну бур. Душ гъаз къашайхъукун, ганичлан гъан хъусса оьрчлан та бивкуну льявкъуну бур.

Изажа бувччуну бур га цуппа багъну бивкисса кланттай. Тания мукъах халкъуннал цала бусалардаву, балайрдаву ганийн Бурхлай Изажа тлун бивкун бур.

БАГЪУ–БИЗУ

Жува инсанталлу тлутлаву къагъассар

Уттигъанну на барану уссияв машинарду цаннийн ца щуну ца иномаркалул цагу жула машиналул заллукъруннал дянивсса ихтилатрал. Га ишираву аьй иномаркалул залуннай дия.

На гиккун ивра, га иш хъуну махъ. Иномаркалул залунналай дунура аьй цала баклрайн ларсуна. Страховкалул зузала ялун ийхтту, ганал машина ххал бувна, га иш хъусса кланугу. Яла

иномаркалул залуннал гама машиналул залуннахъ "На вихъхун вихшларан ттула паспорту къабитанна, бакъин банна" - куна.

Ва залуннал паспортгу къалавсуну увкуна: «Ина на хъяврив арчагу: Аллагъ хъяврив ан вища къахъунтиссар». Иномаркалул залуннал махлатталгу хъуну увкуна: «На хъинну наину ура вия, ина найунува ттула чулинай инсаншиврий ва ишираву маслихлат байбивхъусса».

Ваманал жаваб дуллауна «Жува инсанталлу тлутлаву къагъассар, аьркинссар инсанталну бигу биклан». Ттун хъинну тлаанну бия, гайннал

клинналагу инсаншиврул лажин зия къадурну, му Аллагънал мий ххал буван гъан бувсса масъала мукун бигъану маслихлатрайну кьуртал бувну ккаккайхту.

Цланасса заманнайрив укунсса масъалартту укун щаллу къашай, члявуну жунма ххал шай ххуллурдай машинару цувкун гайннул заллукъру адаминал къалайкъсса куццуй ца чивисса муххал каскрал цаний куннул кув къюкьин буллалисса.

Тахсир хъума аьй хъун къаацлай, цайвацца тахсир гаманакун бутлай, хлатта биявривин бучлай. Укунсса ишираву гьарцаннан бувчин аьркинни вай

захлматшивуртту жунна Аллагънал гьарца инсан ххал ан дуллуну душиву. Аллагънай цукрулий биклан аьркинсару, ванияр хъунисса баларду ялун биян къабунуттий.

Аллагънал кумаг баннав жунма ххуймур ххуйну, оьккимур оьккину члалансса.

"Цу ухъурчагу, мусульманчунунай тахсир булла, ганай аьй дакъанна, ганал цанма дужагъраву клану хладур буллалиссар". Хладис.


**Мухаммад
МУРШИЕВ,
ДИУ-лул студент**

АДАБ

1 « Инсаннал цалва чурх уччинин дукрагу дуркуну тюркю тун ита бавкюсса хайванкунма цинма чиний ита мабакъарача, я дунявийсса хлалалсса касбу дуллали къабувну, я динийсса Аллагъ рязий хьунсса аьмал буллали къабувну. Му дукайнал дукрагу диклан аьркинссар марцисса, хлалалсса, хларам дакъасса, шубгъа бакъасса, карагъат дакъасса, хларамсса, карагъатсса касбулийну хласул къархьусса, шубгъа бусса хлалал, хларам личий къадайсса халкъуннашчал хлала къархьусса. Ягу цалла хлалалсса касбулийну, ягу цалва хлалалсса мултирая хласул хьусса диклан аьркинссар. Мукунсса дакъа хларамсса дукра дуркуну, мунийну чурхай хьусса дикл царан мустахликьсса диклайссар. Хлатта инсаннал лякълун ца хларамсса лукьма багьукун, гьарца ссаврунайсса, лухчинийсса малаиктурал мунаха нааьна дайссар. Му миву буссакса Аллагьгу мунах къаургайссар. Мунал сситтулунгу агьайссар. Хлалалсса дукаврийну аьфвугума байссар.

Утти му дукия дукавил адабругу: му дукайний гьарца чумал кару шюшавугу суннатссар. Дин дан къасттирай хлалалсса дукра дукаву эбадатри. Мугу марцину дан аьркинссар чак баннин чаклийн иссаву кунна. Дуркуну махъ шюшавугу суннатссар, муниву барачат хьунмассар. Баклахьрулуву зиядашиву шайссар, чурххавусса цуцаву дуккайссар. Мажлисрайн чявусса бучарча, кананнин шюшлашини хьхичира-хьхичи къатлул залунная тйайла хьуну муная урча чулухунмай шюшлай бачинссар. Дуркуну махъ шюшлашини къатлул залуннал махъ шюшинссар. Циняннал ца тясравун шюшавугу хьинссар. Дукайний шюршюкун, кару къалихьуна кананссар, барачат биклайссар. Дуркуну махъ шюршюкун каругу лишинссар. Чаклин иссавури хьиннува хьинссар, дуканнингу дуркуну махъгу. Хьиншивуртту чяру шайссар, ризкьи зияда шайссар, факьиршиву яла гьан дайссар. Канан авчукун, бисмиллягь учавугу суннатссар. Бисмиллягь къавукуну дуркусса дукралий барачат къабиклайссар. Муниву хь циятлангу гьуртту хьуну, мунилу дукайссар. Учирча, муни бутла бакъассар. Хлатта гьарца лукьма зуму бишайний, гьарца ххув учайний учавугу хьиннува хьинссар. Кананнин учин дакнин къабагьарча, канан ивкун махъ **"Бисмилляги аввалагьу ва ахирегьу"** - учинссар. Хьунаманал, хьинманал баннин бисмиллягьгу къабанссар. Урча канил дукавугу суннатссар. Мугу шанма киссурах. Зуму бишайсса лукьмагу чивисса бишинссар. Хьунмасса къацл увкуну, къацл буцил бавугу къахьинссар. Зумувмур къюлтл къакуна къацл къачинссар. Мугу хьинну къювгьуну къюлтл учаву хьинссар. Дукралул даниятугу къакананссар, ца зумания дакъа. Барачат дяниври биклайсса. Дяния канарча му лагайссар. Цаманал хьхичлагу къадуканссар. Цалла хьхичла кананссар. Ахьулсса духьурчарив, цанна ччимур дургьуну дуканссар. Чиллух бувхьун букавунияр, къацл тий букавугу хьинссар ччатл биклу, дикл диклу. Дукра хьхичл дирхьукун аьвавцину бисмиллягь бавугу хьинссар циятланул баннин. Хлатта чаклил члун дурххуну духьурчагу, му чак баннин хьхичл дукра дуканссар члун дуккавай дакъахьурча. Хьхичлава

Насихлатуль аьвам



хьхичл цийн бисмиллягь бавугу суннатссар, шанма кисса хьхичлава хьхичл цийн цуну бувкуну. Мунийну къуртал давуку хьинссар хьиривва хьиривсса шанма къацл миннийн цуну бувкуну. Мукун барча барачат зияда шайссар, цуцлаврин дарувну шайссар. Хлатта му цийву арулцалла цуцлаврин дару буссар. Дукралул хьхичлгу махъгу му хлала барча шантуршлий мяйцалва балаллул, цуцлаврил нявьру дайрцун дайссар: жузам цуцаву, барас цуцаву, дакнил цуцаву, ккарччал, лякълул цуцаву, мукунна цаймигу. Мий цугу Ибрагьим идавсил Мухаммад идавсил умматиннансса хьамалушинни. Мугу цукунни чирча; Ибрагьим Идавсин ччан бивкиссар Мухаммад Идавсил умматиннан хьамалушинна дан. Яла му чива куну Аллагьнайн дуаь дурукун, Аллагь Тааьланал Алжаннавату Кафур лавсун гьан увссар Жабраил Ибрагьимлуцлан. Яла Ибрагьим Идавсил му лавсун Аби Кьубайс тисса зунтуйн лавхьун уф увкуну гьан бувссар дуняллийх. Яла му кафур багьсса гьарца кнаей цулуй мяьдан хьуссар. Клирину дуна дукавугу карагъатссар дукра. Хлатта муниву арулва бала буссар: дакний зад къаличлайссар, къацл къакьан байссар, къувват гьан байссар, къюкл айссар, чани чан байссар, лажин хьахьи дайссар. Барачат бакъассар. Уф тий канакавугу къахьинссар, барачат нукьсан шайссар. Дякьиннин ссавур данссар. Дукралийн оьккири, чапалли, нахлу дакъар куну аьй ричавугу къахьинссар. Хьхичл дирхьуну, рязий хьуну дукаву хьинссар, нахлумур, нацумур, хьинмур, ххуймур тлалав къадуллай, ччатлхунмур тлалав къадурну. Расуллагьналгу тачлав дукралий оьккири, къадарди куну аьй къарирцуссар. Иштахл багьарча дукайва тлар, къабагьарча къаритайва тлар. Дукансаннул хурмат къабурувчуну, му къюкьин дурну пасат давуку хларамссар. Хаснува ччатл хьун бан аьркинссар. Му ссаврунал барачатраяту ликкан бувссар. Мунийх ка зад дурккун, ялув цамур зад дирхьуну, тикку-шиккун ччанналун бувтун хурмат къабитан къабучиссар. Барча, мунил Аллагьнайн леххаву куну, шикаят байссар. Яла Аллагьналгу миннайн ккаши мусаллатл байссар. Хлатта ссупраля, урцуя, канива багьайсса хьис гьаз бувну букаву хьинссар. Алжаннаву хурулентурал магьар мури. Му гьаз

бувну букарча, мунал авладраву, ризкьилува тлалавшиву диклайссар. Зумату багьмур букавурив къахьинни. Амма цияту гьаз байссар, циятланнун къабивтун. Ккарччачун лавгмур букавугу къахьинссар, къатлув бутанссар. Ккарччачун зад дучлавугу къахьинссар. Дукралуца ккарччив, къацл шюшавугу хьинссар. Цал ливхьуну, яла шювшуну. Инсаннал къацл-цалва ялув бивтсса малаиктал бацлай кланури, цалва бувмур чичлачисса. Миннал циякьив мунал цалла щемпир, къаламгу мазри, чагьаргу цалва хьазамри. Мукун бухьувкун, му марцину битан аьркинссар. Дукралул гьулуртусса кару, клисри мазрал цлун дурну дуцавугу хьинссар. Яла карщул лирхьуну шюгу шюшинссар. Дукьаршуна, мазрал марцл къадурна шюшаву къахьинссар. Хлатта дукралул гьулуртусса къуса, гьиссилу, исттикан, бушкъап, вьртла, кличлу дуцаву суннатссар, барачат цумуниву буссарив къакуллссар, барачатмур минний къаличлан. Мукун мий клисри, задру буцаварча ризкьилува гьарташиву диклайссар, хьиншивуртту зияда шайссар. Мий шюршюсса цин хлачарчагу бакл тархьан бивтссаксса чирри биклайссар. Дукралул ялун ивкуну къадуканссар. Мивун ссихл къабигьинссар. Къацл увкусса ччатл накьливун, нагьлийн, мукунна хьумусса задрайн къащунссар. Дукралийн зад палцл къаданссар. Чапалсса каних къадуканссар. Марцину, узданну дуканссар. Кунниву кув хлала къадансар махьнангу ччарча дакъа. Ах-пув къачинссар. Нажагь къацлива зад дуккарча, я хьугьу бирарча, махьунай клура аенссар дукралувун зад къадагьан. Дукралухух дакл махьуннай хьунсса ихтилатгу къабанссар. Амма хлалалсса, нахлусса бунагь къахьунсса, мумпааьт бусса ихтилат давури ссуннатссар. Канакиминнах ургавугу къахьинссар. Миннал дукаймур ахтар дуллалавугу къахьинссар. Хьхичлун урувгун канакаву хьинссар. Дукра муштариксса духьурча гьалмахчунаяр ххишала къадуканссар, кла рязий хьурча акьасса. Кьуллугьчий ухьурча, муналгу канихьхьун булунссар. Дуркуну циняв къуртал хьуннин къаритавугу къахьинссар. Халлих кьепл тий канарчагу махьнан ламус къахьун. Увчуну ухьурча бакрайра къаританссар. Хьхичла ссупра гьаз баннин къаизавугу ссуннатссар. Дукра канай ция бивкуну лахьи лагавугу хьинссар, анаварну дуркуну

ХИРАМИС

Цадакъа – буржри гьарцагу бусурманнал. Агар дакъахьурча каша, дувача мунал ххуйсса давуртту, оьккимуния арх хьун ача, му мунал цадакъари.

къабивзун. Дукралий ция бивкун ларгсса члун оьрмулияту хласав къадайссар хлалалсса мажлис бухьурча. Дукра дуркуну къуртал хьувкун щукругу бувну дуаьгу данссар. Цахара, нити-буттаха, дукралул залуннаха, му дурнаха, мажлисрай буцириннаха. Хлатта, дукра дукан дукралул ххунча хьхичл дирхьукун мунил лагма мукьа малаик ацлайссар. Миннал бисмиллягь увкуну канарча, мий малаиктурал учайссар циятланнунхь «Я – насихь букьу минначлату, вил куршил дакъассар тти миннай» – куну. Бисмиллягь къавукуну канарчарив учайссар миннал мунихь – удну я фасикь факул мааьгум – куну. Гьан хьу минначлан я фасикь, дуки миннашчал – тиссар. Дуркуну къуртал хьувкунгу "Аьлхламдуллилягь" – куну щукру барча учайссар ми малаиктурал: "Вай Аллагьнал неьмат буллусса неьматрайн щукру буллалисса къавм бур" - куну. Щукру къабарчарив, неьмат буллусса Аллагь хьама ивтсса бур – куну. Дукра дукайний усгу лиркун ник рирщуну ция ивкуну дукаву ссуннатссар. Ягу урчламур бацлан бувну, киямуний ция ивкуну дукаванссар. Авцлуну, утту ивхьуну, оьккину ция ивкун, гьафулну, шанай дукаву карагъатссар. Цин ялувну уна, клущин буллау уна, зий, занай уна дукаву карагъатри. Анаварну, цлархьанну дукаву карагъатри. Паракъатну, хлаллих дукаву хьинссар. Ккащилсса инсан ялугьлай, муналгу къадуллу, ккаччи-ччиту ялугьлай, миннунгу къадуртун канакаву карагъатри. Миннангу дутанссар. Халкь бавтисса кланай дукавугу, базаллуву дукавугу карагъатссар. Муниву къюкьалашиву дуссар. Чапалсса кланай дукаву, къашайначла дукаву, жаназалучла дукаву карагъатссар. Мукунма, цамур дукра дукан лайкь бакъасса кланай дукавугу карагъатссар. Хаснува хлатталлий, гьаттачла дукавугу хьиннува карагъатссар. Хлатта му мунафикьшивури. Дукрагу ссупра бувтун, ссупралий дирхьуну дукаву хьинссар, ссуннатссар, аьнттуву, ххунчлий, вьртлуву, цамур задрату дирхьуну дукавунияр. Расуллагьналгу марцисса клану бухьурча, цияв дирхьуну дукайва тлар. Бакъахьурча ссупралий дирхьуну дукайва тлар. Тачлав цамур задрат дирхьуну къадуркуна тлар. Мукун цияв дирхьуну дукавурив ссаварданий уккаву дакнин багьайсса. Мунийну яла Ахиратту дакнийн багьайссар. Му дакнийн багьавугу хьинссар. Дукралийн циняв цал аьрхлал цачлун хьуну, ция бивкуну дукавугу хьинссар, цалва кулпат биклу, цайми биклу. Цаллалу дукаву къахьинссар. Цачлун хьуну дуркуссаксса барачат хьунмассар. Цаннанмур кланан, клананмур мукуннан дял шайссар. Цуцлаврин дарманну шайссар. Аллагьнан хьинну ччиссар. Амма чапуртурашчал дукра дукаву карагъатссар.

«Гьунчукуьатлан»

(Гухунмайгу буссар)

ИСЛАМ ВА МЯЪРИПАТ

Патимат ХАМЗАТОВА

Дайдихъу хъхъичми номердай

Мегъенди

Михълишалттуй бакрал чара ранг дайшиву цинняннан кӀулли. Амма михълишали цайми иширттангу аьркин дайсса диркӀссар. Масала – мегъенди. Мегъенди – му базулий ссал дунугу сурат даври. Европанаву муни учай татуаж. Мегъенди дуллалани бурчу баххана къашайссар ххалахив къакъутлайссар. Исламрал татуажрай къадагъа дирхъуссар. Михълишали чурххай дишаву тӀурча, дишингу бучииссар, дирхъунугу хъинссар.

Михълишалттуй чурх чӀюлу баву диркӀссар оьвза заманнайва Вавилоннай, Месопотамиянаву, Грецинаву. Яла-яла му чӀюлушиву дайсса диркӀун дур хъаннил, уттигу дайссар бусурманнал хӀукуматирттай, Ухссавнил Африканаву, Индиянаву.

Мегъендилий дайсса суратру ца куцсса къадиклайссар, хъунмурчинсса иш михълишалттулли ва хъаннил чурххал рангиралли. Амма гъарца миллатрал цанна-цаннасса суратру диклайсса дур.

Масала, бербертурал дайсса дур суратру кӀунтру, аьшру дурну, чӀявуминнал дайсса дур хъунийсса суратру, хъунийсса чӀатив бусса ххяхиялул ягу тӀутӀал. Индиянал хъаннил дайсса дур исвагийсса накъич.

ЦӀакъсса, магъирсса накъич хъуншиврул михълишали хӀадур дайссар дишиннин ца гъантлул хъхъич. Мегъендилул личишивугу мури. 20 грамм михълишалттуя хъун дайссар 100 грамм мегъендилул.

Ласайссар:

- 1) михълишали;
- 2) лимондалул сок;
- 3) чансса качар-песок;
- 4) шприц (ххалаххи бакъасса).

Мегъенди даннин хъхъич михълишали кӀучлайссар кӀурчӀулттувух, яла ца къуса

«Аллагънайн мукӀрумур ягу Иблислуйн мютӀимур?»



(дукра дукаймур) дуцӀин дурну (20 гр.) дичайссар пюрундалул кӀичӀулувун, гивунна рутлайссар стакан лимондалул сокрал. Га кӀичӀу кӀучӀ буну бишайссар цансса гъелисса кӀанттай, Гъелисса цинавугу бишин бучииссар. Укуннасса цин рутӀин къабучииссар, мегъенди зия шайссар.

Гъунттихавай кӀичӀулувун бичай-ссар качар – ца чяйлул къуса. Яла гай хӀала дайссар, бучииссар лимондалул сок руртӀуну хъума дангу. Мегъенди хъиннура хъума хъурча эьки лаглан диклайссар – михълишали ххи дан бучииссар. Накъич дайссар марцӀсса бурчуй, бутлайссар эькалптрал нагълил

шамма кӀунтӀ (накъич тамансса хӀаллай зия къашайссар).

Цукунсса накъич дан ччай дуссарив дурчӀуну, цал га ласайссар картондалин, ялакькъайссарнакъич. Ганакъичбазулий дирхъуну, бачӀивасса кӀанттурду буцӀин байссар мегъенди дихълай. Мегъенди дишайссар шприцрах, мицӀ бусса тӀаннух ва м. ц. Мегъенди къаркъукун 2 ссятрава накъич дусса картон букъан бучииссар, амма 6–8 ссятрай битарча, хъунмасса хӀаллай къалиххайссар. Най дунура ранг хъун бюхъайссар чаннасса, шанма-мукъва гъантлува хъинну аьнтликкласса шайссар. Накъичру дайссар личи-личийну, масала, цалца чагъарунний

ХАМИС

Диндалул инсантал къалитлайссар, ми ца дунияллия гамунийн лагайссар

сурат дурну, га мегъендилий дуцӀин дурну дишайссар чурххал базулий.

Ягу чурххай дайссар накъич фломастерданий, яла ганил ялтту дишайссар мегъенди.

Ка усттарсса хъаннил дайссар накъичру ссахчав къабурвугун, цалла бакӀрава. Накъич ччяни къалиххан-шиврул:

1. СсахӀван ганих чӀявуну къабуккай-ссар.
2. Баргъ буний чӀявуну бавцӀуну хъин-ссар.
3. Каруннай ва ччаннай шайссар яла ранг ххуймур накъич.
4. Накъич дусса кӀантту чӀявуну атил байссар качар бивчусса лимондалул сокрал.
5. Бучииссар кунжутрал, миндаль-данул нагълий аьгъу дан.
6. ЧӀявуну гъухъа битларча, ранг бю-хъайссар лиххан.
7. Мегъендилул ранг зуруйгу къа-лиххайссар.
8. Ранг ччяни лихларча, бучииссар цӀуницӀа, ялтту мегъенди дуккан.
9. Михълишалттул ранг гужсса ран-гри, чун дунугу янналин дагъарча, лиххан дан захӀматссар.

Зун тӀайлабацӀу баннав!

Мегъенди аьркин дайссар яннардай ххаллилсса накъичру дан. Мий хъинну чӀюлуно диклайссар.

Таржума Гъумаюннул (Гихунмайгу буссар)

Инсаннал дайсса касбурдавугу яла ххирамур хъу дугъавур. Мунияр ххирасса, халкъуннан мумпааьтгу хъунмасса касбу дакъассар. Дунияллий хъхъичӀва-хъхъичӀ дургъусса санааьтгу мури. ХъхъичӀра-хъхъичӀ му дугълай дай дирхъумагу Адамри

Аллагъ Тааьланая изнулийну Алжаннавату ницругу, мунил ярагъу бучӀан буну хъу дугъан шайсса ккукку лачӀалгу бучӀан буну, Жабраил васитӀалийну мунил элмугу кӀул дурну дугълан ивкӀссар. ХӀалалну, тӀайлану му касбу дуллалисса инсаннал даража хъинну лавайссар. ХӀатта хъу дугъул хъух бицун къалмул кӀама бувцӀукун, малаикнал оьвкуну учайссар: Я Аллагънал гъалмахчув вил канивун барачат бувххунни – куну. КӀама бивцукун ца-ца ккуккулун ацӀ-ацӀра хъиншивугу чичайссар, ацӀ-ацӀра оьшивугу яла гъан дайссар, ацӀва даража бюхттул байссар. Мий къама ххавххукунгу ца-ца ккуккулул бакӀрахсса муьминчув уттава увссаксса чичи буссар. ЩӀюлли хъуну

Хъу дугъаву



махъ ттихӀиннин мий ххярхсса задругу мунал аьфа чӀа тӀий диклайссар.

Мий ттирхӀуну ччарду дурукунгу мий кунна мунал бунагъругу ккуччу шайссар. Закат бувккукунгу мукъцӀалла шинай чак буллай, зама дугълай ивкӀссаксса чичи чичайссар. Минная ккукку бувккусса, нахъ дуркусса хӀайвандалул, лелуххул мунал аьфа чӀа учайссар. Мунал хъух хъарас дирхъукун

мунал чурх цӀарал хӀарам шайссар. Мунал гъухъа итавугу гъазинал гъухъа итавукунассар. Муная чурххал къанкъугу зума дургъуманал къункъан лархъхъуссар. Му ивкӀукунгу мунай лухччи аьтӀун диклайссар.

Муксса даража хъунмасса му хъу дугъул Къиямасса Къинигу. Утти, му хъу дугъуй ялувссар цалва хъух бугъайсса гъанна хӀалалсса, цува

заллусса, чувнан хӀакъ бакъасса бикӀан. ХӀарамсса бухъурча муная хъумургу хӀарамссар. Яла циняв хӀарамсса бакӀлахъру хъунтиссар. ГъайтӀун бавхӀусса хӀайвандалийгу анаварну гъай тӀий гуж къабанссар, цилла сантрай бакъа. БахӀин лайкъмур бакъа багу къабакӀинссар. Масала: Ттукку, чу бахӀаву къалайкъссар, дазу зуманий къия дурну. ХӀакъ бакъана гужрай цаманалмуний заллушивугу къаданссар. Къияматсса къини цалва дарвачрахун бюрхӀлу буну бутантиссар.

Мукунсса ххирасса касбур ахъулссаннул мурхъ бицавугу, ахъру баву, миннийн щин дихълай бакъин буллалаву. ХӀатта Жабраиллул увкуссар «Нава дунияллий касбу дайсса инсан уссания, му ахъурдил касбу дугъавияв, мунил чичи хъунману тӀий»- куну. Мукун, мурхъ бивцуну, муний ахъулсса хъурча цалла дуркумур цадакъари, цаманал дуркумур цадакъари, дарцуну дуркумур цадакъари. ХӀатта, минний хъусса ахъулссаннул бакӀрахсса чичи хӀасул шайссар – му бивцунунай, муниха щин дирхъуну бакъин буну къуллугъ бунан.

"ГъучӀукъатӀан"

ИХИСАН

Тарикъат дай дишай кланттул баян

Хъичра-хъичи тарикъат ласун ччан бивкун, му ларсума Расулюллагъри ﷺ. Ларсър Жабраиллуяту.

Му ласаврил сававгу, мунил аввалгу – асхаб Аьлиллул ча увкуссар Расулюллагънахъ ﷺ, "Ина на яла Аллагъначан гъансса, ххирасса, яла халкъуннан бигъасса тарикъалин (яъни ххуллийн) тайла ацан ува", куну. Яла Расулюллагънал ﷺ мунахъхъун тарикъат къадуллуну ссавур дурссар Жабраил ﷺ ликканнин. Яла му ливккун мунаяту талав дурссар Расулюллагънал ﷺ. Яла Жабраиллул ﷺ Расулюллагънан ﷺ талкъин буллай, мунахъхъин буллай шамийлва **Ля илягъа илля Ллагъ**- куссар Расулюллагънал ﷺ вичи дирхъуну. Яла мукумма шамийлва Расулюллагъналгу ﷺ увкуссар. Яла Расулюллагънал ﷺ Аьлиллулгу талкъин бувссар. Мукумма

Аьлиллухъ яругу лавкъуну вичи диша куну дишин увну, цалвагу яру лавкъуну шамийлва **Ля илягъа илля Ллагъ** куссар лахъсса чунийну. Яла Аьлиллулгу мукумма лахъсса чунийну шамийлва увкуссар Расулюллагънал ﷺ вичи дирхъуну. Яла Расулюллагънал ﷺ увкуссар.

افضل ما قلت انا والنبون من قبلي لاله الا الله ولا تقوم الساعة حتي لا يقال في الارض الله الله

Яъни: Научаймунивуваттуярхъичи бивксса идавстурал учаймуниву яла лавайсса хъанахъисса калима **Ля илягъа илля Ллагъ**. Къадучантиссар Къиямасса Къини Дунияллий «Аллагъ Аллагъ» тисса инсан уссаксса.

Мукумма яла Абу-бакардунгу махъсса циняв асхабтурангу талкъин буну, клул дурссар му тарикъат. Хъичра-хъичи тарикъат дай дирхъусса му кланттаятури.

Тарикъатругу личи - личийсса дуссар. Яла ххиратургу, бигъатургу мури. Яла Расулюллагънал увкуссар:

رجعنا من سجد الأكر الي جهاد الأصغر

Яъни : Жу зана бивкссару чивимур



джигдадрая хъуммамур джигъадрайн. Мукумма мунияр шихунмай куннаяту куннал тарикъат ласлай усттартал бувгъуну, миннаяту динналул хлукмурду, зикри баврил сурат, Аллагънайн клура баявил кайфийят клул даву ссуннатсар, машруъсар.

قال رسول الله صلى الله عليه وسلم اقتدوا بلذنين من بعدي اي ابوبكر وعمر

Яъни: Зу ттул хъиривссаннал ххуллу бугъяра, Абу Бакрдул ва Оьмардул

Гъази-Гъумучатусса шейх Джамалуттиннул

«Адабуль марзия»

Аллагънайн щукру, цайнма зикри буваву (цува дакнин утаву) тлааьтирттаву яла ххуймурну дурсса, ва яла ларайсса эбадатну хъун дурсса, ва мунихчин Цая лагъарт хлазратрайн биян буллалисса, ва лавайсса макъабирттайн биян буллалисса, ва зикри баврийну цув дакнин утлатима цалва ххуллийн тайла ацан уллалисса. Ва мунийну цайми махлукъатлуяр лавай уллалисса. Вассалату вассалам жула Идавсийн цалчинминнал ва махъминнал хъунаману хъусса Мухаммадлуин ва мунал кулпатрайн ва асхабтурайн, Аллагънал ххулий цацава шайкун хларачат буллай бивксса ва мунийну лахъсса даражарттайн лавхъсса.

Амма бааьд. Мунил хъирив. Бувчин баву дуллай ур таммихран лайксса, бунагъ бусса Жамалуттин аль Гъази-Гъумукъи. Аллагънал цув рахматрайн ишиннав, цан Алжан нясив баннав. Яла ххуймур эбадатва яла лараймур аьмал Идавсия дувкмур духъукун, му дуручингу бюхъайсар Идавсияту ва мунал асхабтурая нанисса эбадат даврил цанния-ца ххуллу буруччаврийнур. Накъшубандий тарикъат хъанахъиссар яла лараймур, яла ххуймур ххуллуну цайми тарикъатирттача. Цанчирча га хъанай дур яла марцумур (яни бидаьлуя) ва ливчуну бунутий Идавсил ва ганал асхабтурал ва хулафаьтурал заманнай бивксса куцций баххана къавхъуну я лув къабивхъуну, я гива цичав чан къабувну. Масала; лахъну зикри баву (мазрах зикри бишаву. Накъшубанди тарикъатраву зикри байсса къюк(лихри), балайрдах вичи дишаву, къавтун изаву, жазравун

агъаву, цавунма хлал бивмишан дуллалаву, в м. ц.

Ва луттираву ттун ччай бур бусан тарикъатрал ххуллурдая, миннуьгу мюхттажсса тарикъатрал ххуллийх наними, ци макъамрай бухъурчагу, тасаввуфрал аслуну бухъусса луттирдая лавсуну. Ттун тамахл бур ва на чивчусса лу ттулгу ттул диндалул уссурвавралгу бунагъру яла лагаврил сававну хъунссар тий. Ванин цагу дизава «Аль-Адабуль марзийя фи тарикъати накъшубандия» (яни Аллагъ рязи хъунсса адабру накъшибанди тарикъатраву дуручин ялувсса). Ва лу мунопатну хъуннав Аллагънал лагъартуннан.

Ва лу на сакин бав 11 бутла ва хъиривмукъуя.

1-мур бутла.

Тавба даву ва мунил ххирашиву.

2-мур бутла. Оьккимуния дак марц даву ва Аллагънал ххирасса аьмаллу дакнивуна буххан баву.

3-мур бутла. Накъшубанди тарикъатрал къануну.



4-мур бутла. Устгазнал мюридначал дайсса къутги ва зикри талкъин байсса куц.

5-мур бутла. Цайми иширттаяр Аллагънайн зикри баву лавайсса бушиврия.

6-мур бутла. Рабитла давриясса бувчин баву ва мунил журадду.

7-мур бутла. Зикри байсса куц ва мунил адабру.

8-мур бутла. Муракъаба. Мунил ххуллурду ва адабру.

9-мур бутла. Мазрал баймур зикри ва цаймигу суннатру.

10-мур бутла. Устгазначан лагаврил ва мунахасса эшкьилуламухъунуллаврил мунопат.

11-мур бутла. Накъшубанди тарикъатрал аслурду.

Хъиривмахъ. Ваниву бусласиссар лавайсса силсила. Мунивусса царду дурккуну жунма барачат хъуншиврул ва ганил щаращи ча наниссарив.

Клулну иклу, Аллагънал кумаг баннав вин хлукъатрайн иян ва уваннав ина яла салихинтурувах ва сиддикъинтурувах. Хлукъну мюриднан аьркинмур хъичива-хъичи – му цала аькьиде тайла давури, Аллагънал чара бакъасса сипатру клул шаврийну ва мунал диклан къабюхъайсса сипатру клул шаврийну.

Мукумма идавстурал чулухунмайгу. Яла аьркинссар лахъхъин ци бунугу Къуръандалия, аьркинссаксса так чара бакъамур лавхъхъуну ва мунийну щаллу хъуну. Яла аьркинссар лахъхъин «Фикхилия» чаклин иссаву, гъуслу баву, таяммум баву, тагъарат баву, нажас марц даву, чак баву, зума дугъаву. Яламур турча, къалахъланссар къюк ва рухл марц дуваннин. Цанчирча му мухттажссар цува нафсирал дуснакърая уккан, ва цил къюк(ли) дагъани марц даврий дакнил чяпалшиврия, цув Аллагънал лавайсса хлазратрайн ухан къаитлатисса. Хлукъмур бувчаву ва элмурдал куртмур, къюлтмур бувчаву дан къаитлатисса. Яла къюк(ли) марц даву дак хъун дуллалаврия, сси бизаврия, хлусудшиврия ва м. ц. Мунил хъирив аьркинссар цунил тавбагу дурну Аллагънайн эбадатраун агъан цайхнал лахъхъин бувсса зикрирду буллай.

ШАРИАТ

Муртад шаву дакъасса бусурманчувнал байсса хъуни бунагьирттал яла хъуними хъун бунагь арулва буссар. Ми бувма фасикъ шайссар. Мунайх хладд бищунгу ялувссар. Миннулгу яла хъунмургу, хъхьичи ва хъхьичимургу хлакъ бакъана бусурманчув ивчавуру.

Чапуршиву муртад шиву дакъания махъ, муниар хъунмасса, оьккисса бунагь бакъассар. Хлакъ бакъана хлакъсса бусурманчув ивчан цукунчлав рухсса бакъассар. Хатлалий бакъа, къасттирай му ивчарча, къисасран мугу ивчан ялувссар варистурал. Амма къасттирай цува ивчан цала ялун цамна най ухьурча, му члумалгу бюхъавай хъхьичла ливхун кьуртал хъанай ухьурча лихъанссар. Къахьурча мазрайну айшун анссар, ягу леххаву куну айшун анссар. Мукунгугу къахьурча заккунттигуну айшун анссар. Мукунгугу къахьурча мурхъхайну, ттуршайну айшун анссар. Мукунгугу къахьурча цаву дурну айшун анссар. Мукунгугу къабювхъуну цукунчлавагу цува къаитан нанишиву кил хьурча ивкуну къаитанссар цува ивчаннин, хлатта ци чулийгу му цаятува айшун ан ялувссар, мунал цува ивчан икчан къабучииссар. Му члумал мунай къисас кымат дият каффарат цичлав ялув бакъассар, ратлхссар. Хлатта, цалва агьулданияту айшун ан ялувссар миннан зарал бан, оьккисса кьил дан най ухьурчан. Мукуна цалла рухл дусса хъуслияту айшун ангу ялувссар, ми зиххин, ласун, дацин къасттирай най ухьурча. Ялагума рухл дакъамуниятугу айшун анссар тий бур, мукуна ласун най ухьурча. Мукун бакъа, ца савав дакъа хатлалий бакъа къасттирай ивчарчари мугу къисасран ивчан ялувссар. Утти му къисасран аххана ивчаймагу ивкунманал варистуралли ивчантисса, ягу жалладналли ивчантисса, дарвач бищул. Минналгу имамнал изнулийнури ивчантисса. Амма, му къатилнал макьтул цукун ивкуну урив, га ивкуну суратрайри му къатилгу ивчантисса. Ххаржандадул ивкуну ухьурча, минналгу ххаржандадул ивчанссар, ттупанграл ивкуну ухьурча ттупанграл, мукуна цайминнулгу. Чявуссаннал ца ивкуну ухьурчагу мунахлу циняв литлунссар, азара ухьурчагу. Мукуна цаву дурну духьурчагу, даххана цайра дурсса куцуйсса цаву данссар. Къисасрая ялтту бувчлуну дият ласунгу бучииссар варистуран. Цаву даврия ялтту увчлун шар лавсун итангу буссар, цайра цаву дурманан.

قال تعالى ﴿ ان النفس بالنفس والعين بالعين والانف بالانف والاذن بالاذن والسن بالسن والجروح قصاص فمن تصدق به اتخ ﴾

Утти, му ивкуну адаминах дият ласлай бухьурча, бусурманчувнал дият: Адамина ухьурча чивисса икчу, хъунасса икчу ттуршва варанир, варианттал агьлу бухьурча.

Гъаттарал агьлу бухьурча - мукьттуршва хлайвани. Яттил агьлу бухьурча - азарва ттари. Мьяданнал агьлу бухьурча - азарва динарди. Арцул, цамур хъуслил агьлу бухьурча

Инсан ивчлаву

ацния киазарва шарьэрал шагьри. Шарссанилгу, хунсаналгу дият адаминал бачи диятри. Цавулун шар ласлай ухьурчарив, му цаву чире - хъуншиврух урувгсса биклантиссар. Амма клирагу ка дутарча - ягу кивагу ччан бутарча, ягу кивагу я буккарча, ягу клирагу мурчи дутарча, ягу клирагу вичи кьукьирча, ягу циняв ккарччив дичирча, ягу май бутарча, ягу маз кьукьирча, ягу бурхънишия дутарча - щаллу дият буссар. Шарссанил кивагу ккуккулул бакл дутарчагу цилва щаллу дият буссар. Цаву даврийну аькьлу яла гьарчагу маз бусан къашай хьурчагу, члу къабаяй хьурчагу, къанкъ къарищай хьурчагу, забу дан къашай хьурчагу, чурххал кьувват лавгун - щаллу дият багъайссар. Ца ка рутарча, ца ччан бутарча, ца я буккарча, ца вичи рутарча, ца мурчи кьукьирча, ягу яруннал чани гьан барча - бачи дият багъайссар. Гьарца клиссурангу, канил биклу ччаннал биклу, - диятрал ацва бутлун ца бутла буссар. Гьарца клиссурал баклангу му дутарча, хъунклиссуралсса дакъамунин - диятрал ацва бутлун ца бутлун шанма бутлун ца бутла буссар. Хъун клиссуралсаннунин - ацва бутлун ца бутлун бачи буссар.

Гьарца ккарччунгу му дутарча диятрал ацва бутлун ца бутлун бачи биклайссар. Лякьлувусса оьрчи бивчлан барча, ниттих риршуну, зарал бувну, мунихлугу мунил варистуран я лагь, я ссумурухъхьу булунссар. Ми бакъахьурча диятрал ацва бутлун ца бутлун бачи булунссар.

Къасттирай аька хатлаллий ивкунманал диятгу къатилнал буттайхссаннаяту бавтлун булун багъайссар. Мигу нину-ппу бакъасса махъми гьанмири. Къасттираймурдив - цаятува багъайссар. Му бусурманчув ивкуну адаминай къасттирай икчу, хатлалий икчу каффаратгу ялувссар, хлатта чивисса оьрчлаца ивчарчагу мунал хъуслия валийнал булунссар. Мугу бюхъарча бакл тархъан битанссар, къабюхъарча кива зуруй зума дугъанссар лув-ялув.

قال تعالى

﴿ ومن قتل مؤمنا خطأ فتحرير رقبة مؤمنة ﴾

Утти ва аькьувагу жазьагу, дунияллийсса аькьувалул жаназаьгури бусурманчув ивкуну бусурманчувнал байсса. Му бусурманчув ивкуну муная къисас, дият ласун, мунил хлакъ, ихтияр варистуралли. Миннал муная къисас лавсун ивчарча, ягу ялтту бувчлун къаитарча, ягу дият лавсун икьавкуну итарча, му дунияллул чулуха миннал хлакьлила увкссар. Ахиратлуву мунал дулайсса аькьувалул, жазьэрал хлакъ Аллагьанни. Аллагь мунаяту ялтту къаучайссар, мунал цалва чурх къисас ласун булурчагу, хлакьсса, тлайласса тавба дурну, ягу хлажлийн лагаврийну бакъа. Мукун барча Аллагь муная ялтту учайссар, тавбагу къамул дайссар, дуржагьравун аькирчагу абадлий къаличантиссар, уккан антиссар, мунал дяввикар, макьтул

ялтту къаучларчагу. Му рязи ангу Аллагьнахъри ихтияр.

قال تعالى ﴿ ومن يعصل سورة او يظلم نفسه ثم

يستغفر الله يجد الله غفورا رحيماً ﴾

Кунналгу тий бур му къасттирай бусурманчувивкуну адаминал тавбагу къамул къадайссар, Аллагьгу ялтту къаучайссар. Заннал цимилиятугу Идавсил шапааьтраятугу махрумну, хьул кьувкуну иклантиссар. Га цала ивкуну инсан цала цукун ивкуну урив, му куцуй цувагу забанияттурал ивклай, аьзаб дуллай абадлий дуржагьрава уккан къаууну личлантиссар тий. Аь аьзан Аллагь.

قال تعالى ﴿ ومن يقتل مؤمنا متعمدا فجزائه جهنم

خالدا فيها ﴾

Цаннал ца къасттирай ивчарчари киягу цаннаху ца дунияллул чулуха кьурталссар. Ахиратлул аькьубари клиннангу дуссар гукундасса. Къасттирай кия цаннай ца биллай, цанная ца ивкуну, ца къаивкуну личарча, муцу ивкуну макьтулнанкума аькьува дуссар, муналгу гама къатил ивчлан нийятрай иллай ивкуну ухьурча, гьарарий зулмулий аька.

قال رسول الله ﷺ: اذا التقى المسلمان بسيفهما

فالقاتل والمقتول في النار

Мукунмасса хъун бунагьри цала цува ивчавугу, къасттирай цала-цува гьалак увну цайнна-цалла щуну, цайнма цалва бивтун, цалла ссурссу цалла дурккун. Муангу Ахиратлул аькьува хъуннассар клайннан куннасса, хлатта, цува гьалак шайсса, зарал бусса кланттавату уруччин ялувссар; неххаяту, муруллуяту, миннун лавхъхъусса цайми цува гьалак шайсса кланттаяту. Къаурувчуну, ми савав хъуну ивчарча, мугу оьсса бивклар.

قال تعالى ﴿ ولا تلقوا بأيديكم الى التهلكة ﴾

Мукунмасса хъун бунагьри шарссанил цилва лякьлувусса оьрчи цилва бивчлан бавугу. Къияматсса Къини дирзукун му оьрчи бувкуну ниттицлун лавчлун учинтиссар оькуну "Я Раббий, ва ттул ниттил ттуй зулму бувну на бивклар", - ина ваних суал ба на цан бивчлав куну. Яла Аллагьнал суал бантиссар мунихъ ва цан бивчлав? Ванин ризки булайма наявхха-куну. Мунища жаваб дулун кьархъуну малаиктурахъ амру бантиссар дуржагьравун дутира куну. Миву диклантиссар ххюцалазарда шиная. Яла Аллагьнан ччан бикларча дуккан дантиссар.

قال تعالى ﴿ واذا المؤودة سئلت باي ذنب قتلت ﴾

Кьурбан-Аьли «Гьунчлукьатан»

ХАМИС

Мадулларду цайминнал диялдакъашивур -тту члалачи, хаснува ми зуйрагу духьурча.

Нюжмардул кьинирду

Ца члумал Мухламмад Идавсихъ цувххуну бур: «Хуллун – цукунсса кьинири» – куну. Идавсил куну бур: «Му мукунсса кьинири, цивугу лавмартшивуртту ва оьхлалшивуртту чярусса. Му кьини-кьурайштурал Идавсийн лавмартшивуртту дурссар».

Аьлхлат – му мукунсса кьинири хъинну хъинсса-мурхьру буган ва къатри дуван. Га кьини Аллагьнал Дуниял ляхъан дурссар. Ялагу га кьини ляхъан бувну бур Алжан ва гивусса мурхьру.

Итни хъинссар тлар ссапарданий уккавин ва дахху-ласу дуваврин. Га кьини Шуаьиб идавс маша бан увкун, гания хайр хъуну бур.

Тталат – му хъунисса литлавуртту хъусса кьинири. Га кьини Хлавал цалчин хлайз хъуну бур. Ва мукунма га кьини ивкуну Адамлул арс Гьабил цала уссил Кьабиллул. Га кьини ливтлуссар шама идавс: Жаржис Идавс, Закари Идавс ва Яхья Идавс. Га кьини Пираьннул ивкуну Малаьн, Муса идавсийн вих хъунутий. Га кьини бану исраиллул бивххуссар оьл. Га кьини Пираьннул бивкуну цала кулпат Асият, Муса идавсийн вих хъуну тий. Ва кьини дуссар ссят чурххавусса оь бувагу бакъацлайсса, гания мукъах бавцукун ивчайсса. Га кьини Аллагьнал иблис Алжаннува буккан бувну, дунияллийн гьан бувссар. Га кьини ляхъан бувссар Дуржагь. Хъунасса Заннал ялув бивххуссар Израил малаикнай Адам Идавсил наслулуя рухл ласлан. Аюб идавс балаллулун агьссар.

Аьрбахл – талихл бакъасса кьинири тлар. Га кьини хъхьиривун бювкуну Пираьн ва ганал хьирив наними. Ва бьявкьусса ххуллийх лавгссар халкъ – Аьдиллул, Самудлул ва Салихл идавсил. Хлакьну, ва кьини бусурманчувнал тлайлабачу бакъассари тлар, барачат бакъассари тлар. Ва гьарчагу инсаннал бунагьру чявусса кьинири тлар, цукунсса унугу. Тайлану суку тий ухьурча бусурманчувнан му ххуйсса кьинири тлар. Аьрбахлрай къабучииссар михьру кьукьин, ганайн барас тисса аьзар дияйссар. Га кьини ахттакьун чак баннин дурсса дуаьгу къамул шайссар. Га кьини Идавсил дурсса дуаь къамул хъуссар Кьабиллул халкьуннай кьаршинуулкай ивкуну. Дайдирхъусса даву кьуртал дан бигъану шайссар, мунияту элму лахълай айишингу хъинсса кьинири.

Хамис. Ва кьини ялув бивххусса буржру биттур байссар, хлакимтурачлан лагай кьинири, хантурачлан лагай кьинири. Га кьини Ибрагьим лавгссар Мисра ханначлан, ва ханнал Ибрагьиннул мурад щаллугу бувну бахшишран Исмаиллул нину-Гьажар буллулу бур.

Нюжмар кьини – магьар бишаврил кьинир. Га кьини Адам Идавсил Хлава бувцуссар, Юнус Идавсил Зулайхат, Сулайманнул – Билкьис, Мухламмадул Хаджатгу бувцуссар, душ Патиматгу бувссар. Нюжмар кьини михьру кьукьайссар, мунихлуну Аллагьнал чурххая цуцлаву лассайссар. Мухьру кьукьайхтту кару шошайссар.

СУАЛУ ВА ЖАВАБРУ

Зул суаллахъун жавабру дуллаи бур жул алимтал

Тул бур нава заллусса салон красоты; къанча бакъин бувайсса, маникюр, педикюр дувайсса, чларардал ранг даххана дайсса ва м. ц. Ттухъ увкунни, на бунагъ буллаи бушиву, ттучлан занайсса душру хъиннува ххаллил хъанай чил арамтал гайннух хъиннува буруглай гай бунагъралун бутлай бушиву. Ялагу увкунни хъаннин арамтуннал бакъру бакъин буллаи къабучишиву. На ци бан аьркинссар: салон лакъин ягу ци-дунугу дахханашиву дан? Укунсса давриву ци бучииссар, ци къабучииссар?

Намусрацун бавхун муния гьалгъа тлурча, бюхъавай мукунсса даврия махъунмай хъуну хъинссар. Цанчирча, хъунмурчин мукунсса даврия шартру хъаннин бунагъирттащал дархлусса дур. Шариатрал цания гьалгъа тлурча, диндалувусса ихтиярду клулу салондалуву дакъахъурча укунсса къабучиисса шартру, му даву бучииссар.

Шариатраву къабучи буллаи бур

1.Щаркъавхъусса душнин къабучииссар чларарду лухлисса рангирай ранг дан. Щархъусса душнин бучииссар чларарду лухлисса рангирай ранг дан, ласнал бучи буллаи бухъурча.

2. Щархъусса душнин къабучииссар члара кутла дуллаву, адиминан ччай бакъахъурча.

3.Хъамитайпалун къабучииссар чларарду цун дуллан, лахъи дуллан цама инсаннал чларарду дихълай ягу, цил дикл дукан хларамсса, жанавартрал чларарду дихълай. Хъамитайпалун ласнал бучи буну бухъурча бучииссар чларарду цун дуллан.

4. Къабучииссар татуировкарду дуллан.

5. Иттацантту ритлан. Исламраву хъинну къабучииссар иттацантту ритлан, иттацантту чан дуллаи гай кюла дуккан дуллан. Чарабакъашиву



духъурча медициналул дува тий, ца савав духъурча, цулулушиврущал дархлусса, бучииссар. Укунманий иттацантту дакъин дуллалаву хларамссар.

6. Щар къавхъусса душнин къабучииссар косметика ишла дуллан. Щархъумунин

бучииссар ласнал бучи бухъурча. Мугу ласнал ккаккан.

7. Къабучииссар ккарччив ссуссин дуллан, кунния ку личи дуллан, аьртистурал кунна.

Бюхъавай хъинссар щар хъусса душнин, ласнал бучи буну бухъурча, миьру оьрчи буллаи миьлишалилий. Щар къавхъусса бухъурча карагъатссар. Щар къавхъусса душнин каругу, миьругу лухли буллаи къабучииссар, лухлисса рангирацал архлал миьлишали хлала дурну, оьрчи буллаи къабучииссар, накъичругу буллаи къабучииссар. Вай гьарзат бучииссар буллаи ласнал бучи буллаи бухъурча.

Хъаннил салондалуву хъами зун аьркинссар, арамтуннал салондалуву – арамтал зун аьркинссар. Идавсил ца бусалалуву, Хъунасса Заннал нааьна дурну дур гъайбат даххана дуллалисса инсантурай. Мунийн буну шариатрал бучи буну бур хъамитайпалун ва адиминан чурхайсса диял дакъашивуртту дакъин дуван. Мийжаннугу укунсса салонная жунма хайр бур, агана гиву Исламрал шартру ишла буллаи бухъурча. Салондалул залуннан гьарца Исламраву къабучимуния махъунай хъун аьркинссар.

Укунсса журулул масъаларду аьркинссар щаллу буллаи личилулу ва Аллагнаынигъ дуну. Шариатраву дуссар къяйдарду давуртту къабучи буллалисса, жунма клулу бухъурча га даврил жува хларамсса даврихун бутан тлисса.

Бучииссарив адаминан хъаннихъун ссалам буллан?

– Агар му духъурча мунал шарсса ягу мунал шарну буцин къабучиисса, ягу хъамитайпа бухъурча бугъарасса, ккаккан ххуй бакъасса, бучииссар адаминан ссалам булун ва хъамитайпалун жаваб булун.

Агар хъамитайпа бухъурча мунал шарну буцин бучиисса, ккаккангу ххуйсса мунихъун ссалам булун къабучииссар ва мунил жаваб булун къабучииссар.

– Чивисса бунагъ (грех) хъунмунин ккалли байссарив?

– Байссар, агар му тикрал булларчан. "Ихляу уьлумуддин" луттирай увкуну бур "Чивисса бунагъ хъунмунин хисав шайссар, агар мунил ххари хъанай, му сававну бала ялун бияву пикрилувун къаласларча, Аллагналу лагналу дянивсса чапар хъанай духъурча. Тикрал булларча тлудакъашиву (макругъ) ккалли хъанай дур (хларамран). Макругъ буллалима Идавсил цимилия мурахас айссар.

– Бучииссарив зума дугъан агар ивссуну акъахъурча?

– Бучииссар. Мунал дургъусса зума къамул дайссар, мунал гъуслу бан бучииссар зума дургъунагу.

Рузнама

АПРЕЛЬ

ДНИ	Утренний. Ас-СубхI	ВОСХ.	Обеденный. Аз-Зугър	Послеобеден. Аль-Наср	Вечерний. Аль-Магъриб	Ночной. Аль-Гишаъ
1	3.47	5.40	13.00	16.39	19.52	21.31
2	3.45	5.39	13.00	16.40	19.53	21.32
4	3.43	5.36	13.00	16.41	19.55	21.35
6	3.40	5.34	13.00	16.41	19.57	21.38
8	3.35	5.30	13.00	16.42	19.58	21.41
10	3.31	5.27	13.00	16.42	20.01	21.44
12	3.27	5.27	13.00	16.43	20.04	21.47
14	3.24	5.25	13.00	16.43	20.06	21.50
16	3.20	5.23	13.00	16.44	20.08	21.53
18	3.16	5.21	13.00	16.45	20.10	21.57
20	3.12	5.19	13.00	16.45	20.12	22.00
22	3.10	5.17	13.00	16.46	20.15	22.05
24	3.08	5.16	13.00	16.47	20.16	22.08
26	3.05	5.14	13.00	16.47	20.18	22.11
28	3.01	5.12	13.00	16.47	20.20	22.13
30	2.59	5.12	13.00	16.48	20.21	22.16

Зунттал районнай чак байссар 15 минутрал чалну.

– Агар чаклий унува бакърая къяпа багъарча бучииссарив му гъаз бан?

– Бучииссар, 2-ла сукку шаврийну, агар му багъхъурча, аьрцарайн къус ивкний, ка тиртлуну му гъаз бан бучииссар.

– Имамнал хъирив уний цукун ацан аьркинссар?

– Мунал ччанну имамналминнуйн махъа саргъунну буну ва мунал кисри имамнал никурттал махъ биклансса куцций.

Цубарз ккаккун ци дуаь дуккин бучииссар?

– Цубарз ккаккайтту дуаь дуккайттар: **Аллагъу Акбар. Аллагъумма агъиллагъу аьлайна биъгаммин вал имани, ва ссаламати валь ислами, ва тавфикии Аллагъу Акбар вала хлавла вала къуввта илла биллагъи, Аллагъумма инни асьалука хайра гъаза -ш-шагъри, ва аозу бика мин шариль къадари ва мин шариль махшари гьилалуль-хайри ва ррушди аманту биллагъи халакъагъа".**



Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Редактор
Самрат ГОРЧАНОВА
Канонический редактор
Сиражуддин КУРБАНОВ

Корреспондент
Гумаюн КАЛЛАЕВА

Корректор
Патимат АХМАДХАНОВА

Менеджер
Мухаммад ХИРИЯСУЛАЕВ

Компьютерная группа
Асият ХАНОВА
Ахмад МАГОМЕДОВ
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)

Свидетельство о регистрации
ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.
Набрано и сверстано на компьютерной базе газеты «Ассалам».
Отпечатано в ООО «Дом печати» по адресу: пр-т Акушинского, 20

Заказ № _____

Сдано в печать 28 апрель 2009 г.

Тираж 1800 экз.

Адрес редакции
367015, РД, г. Махачкала,
пр-т М. Ярагского, 128.

Тел.: (8722) 61-00-64.
По вопросам подписки и доставки обращаться по телефонам:
по Республике Дагестан – 8-988-699-28-24
по г. Махачкале – (8722) 914-222.

E-mail: info@assalam.ru;
www.assalam.ru

АКТУАЛЬНая



Хаджимурад РАДЖАБОВ
собственный корреспондент
✉ adjabov@inbox.ru

Нашествие кальяна

Еще одна зловердная привычка,
распространившаяся в современном обществе

ЖААИС

Не совершайте
низкого,
плохого, ибо
низкое и плохое
с Исламом
несовместимы

ЗахIмат бувара ва Дунияллий зува шикку буссаксса.
ЗахIматгу бувара та Дунияллуха зува тикку бикIантIисса

ЦадакIа булаву буржри бусурманчувнал. ЦадакIа булун
кIашайманал бувача хIинмур, уруччача оьмуния. Мугури
цадакIа

ХIакьну, зу бивкIулия лихIарчагу, зу хIуна бакьинтIиссару
ганищал

Ва Дунияллий икIу хIамаличув куна, ххуллулчув куна.

Янна лаххияра ва бислай байбишияра урчIа чулуха

Дунияллий яла ххуймур - дакI, гIармудан АллагIная тIутIисса

Бусурманчув ххари увма, АллагIнал ххари айссар

ЧIявуну учияра: «Ла илагIа илла ЛлагI»

Цуманал дакIниву буриу чанссавагу пахру, му Алжаннунун
кIагIантIиссар

Дукияра, хIачIияра, амма ххишала мадари, КIанан кIаххирассар
ххишала дуллалима

АллагIнал ита акIайссар зулмукар чIун дучIаннин.
ТанмихIращагу ххассал кIашайссар

Сахаватшиву - Алжаннул агIалийнал хасиятри

ХIинмур бувсума инсан, ккаллиссар хIинбала бувманан

МАУЧАРА ОЬККИМУР ЧIАРАВ АКIАМАНАЯ

ЗахIмат бувара ва Дунияллий зува шикку буссаксса.
ЗахIматгу бувара та Дунияллуха зува тикку бикIантIисса

ЦадакIа булаву буржри бусурманчувнал. ЦадакIа булун
кIашайманал бувача хIинмур, уруччача оьмуния. Мугури
цадакIа

ХIакьну, зу бивкIулия лихIарчагу, зу хIуна бакьинтIиссару
ганищал

Ва Дунияллий икIу хIамаличув куна, ххуллулчув куна.

Янна лаххияра ва бислай байбишияра урчIа чулуха

Дунияллий яла ххуймур - дакI, гIармудан АллагIная тIутIисса

Бусурманчув ххари увма, АллагIнал ххари айссар

ЧIявуну учияра: «Ла илагIа илла ЛлагI»

Цуманал дакIниву буриу чанссавагу пахру, му Алжаннунун
кIагIантIиссар

Дукияра, хIачIияра, амма ххишала мадари, КIанан кIаххирассар
ххишала дуллалима

АллагIнал ита акIайссар зулмукар чIун дучIаннин.
ТанмихIращагу ххассал кIашайссар

Сахаватшиву - Алжаннул агIалийнал хасиятри

ХIинмур бувсума инсан, ккаллиссар хIинбала бувманан

МАУЧАРА ОЬККИМУР ЧIАРАВ АКIАМАНАЯ